



Comhairle an  
Aontais Eorpaigh

An Bhruiséil, 20 Aibreán 2023  
(OR. en)

8485/23

---

---

**Comhad Idirinstiúideach:  
2023/0107(NLE)**

---

---

**FISC 66  
ECOFIN 356**

## TOGRA

ó:	Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir
dáta a fuarthas:	20 Aibreán 2023
chuig:	Thérèse BLANCHET, Ardrúnaí Chomhairle an Aontais Eorpaigh
Uimh. an doic. ón gCoim.:	COM(2023) 203 final
Ábhar:	Togra le haghaidh CINNEADH CUR CHUN FEIDHME ÓN gCOMHAIRLE lena n-údaraitear don Ungáir beart speisialta a chur i bhfeidhm de mhaolú ar Airteagal 287 de Threoir 2006/112/CE maidir leis an gcomhchóras cánach breisluacha, agus lena n-aisghairtear Cinneadh Cur Chun Feidhme (AE) 2018/1490 ón gComhairle

Gheobhaidh na toscaireachtaí i gceangal leis seo doiciméad COM(2023) 203 final.

Faoi iamh: COM(2023) 203 final



An Bhruiséil, 20.4.2023  
COM(2023) 203 final

2023/0107 (NLE)

Togra le haghaidh

**CINNEADH CUR CHUN FEIDHME ÓN gCOMHAIRLE**

**lena n-údaráítear don Ungáir beart speisialta a chur i bhfeidhm de mhaolú ar Airteagal 287 de Threoir 2006/112/CE maidir leis an gcomhchóras cánach breisluacha, agus lena n-aisghairtear Cinneadh Cur Chun Feidhme (AE) 2018/1490 ón gComhairle**

## **MEABHRÁN MÍNIÚCHÁIN**

De bhun Airteagal 287, pointe (12), de Threoir 2006/112/CE<sup>1</sup> ('an Treoir maidir le CBL'), féadfaidh an Ungáir daoine inchánach a dhíolmhú ó cháin bhreisluacha (CBL) nach airde a láimhdeachas bliantúil ná EUR 35 000 nó a choibhéis san airgeadra náisiúnta ag an ráta comhshó ar lá a haontachais

De bhun Chinneadh Cur Chun Feidhme 2022/73 ón gComhairle an 18 Eanáir 2022<sup>2</sup>, údaraítear don Ungáir faoi láthair beart speisialta a chur i bhfeidhm de mhaolú ar Airteagal 287 den Treoir maidir le CBL chun daoine inchánach nach airde a láimhdeachas bliantúil ná EUR 48 000 nó a choibhéis san airgeadra náisiúnta ag an ráta comhshó ar lá a haontachais leis an Aontas a dhíolmhú ó CBL go dtí an 31 Nollaig 2024.

Le litir a cláraíodh leis an gCoimisiún an 15 Nollaig 2022, d'iarr an Ungáir údarú chun tairseach an bhirt thuasluaite atá ann cheana a mhéadú go EUR 71 500 go dtí an 31 Nollaig 2024 ('an beart speisialta').

I gcomhréir le hAirteagal 395(2) den Treoir maidir le CBL, chuir an Coimisiún na Ballstáit eile ar an eolas le litir dar dáta an 11 Eanáir 2023 maidir leis an iarraidh a rinne an Ungáir. Le litir dar dáta an 12 Eanáir 2023, thug an Coimisiún fógra don Ungáir go raibh an fhaisnéis uile aige a mheas sé a bheith riachtanach chun breithmheas a dhéanamh ar an iarraidh.

### **1. COMHTHÉACS AN TOGRA**

#### **• Forais agus cuspóirí an togra**

Le Caibidil 1 de Theideal XII den Treoir maidir le CBL, cuirtear an fhéidearthacht ar fáil do na Ballstáit iarratas a dhéanamh ar scéim speisialta le haghaidh fiontair bheaga, lena n-áirítear an fhéidearthacht maidir le daoine inchánach a dhíolmhú ó CBL i gcás inar lú ná méid áirithe a láimhdeachas bliantúil. Ní gá do dhaoine inchánach a thagann faoin díolúine sin CBL a ghearradh ar a soláthairtí agus, dá réir sin, ní féidir leo CBL a asbhaint ar a n-ionchuir.

Faoi Airteagal 287 den Treoir maidir le CBL, Ballstáit a tháinig isteach san Aontas tar éis an 1 Eanáir 1978, féadfaidh siad daoine inchánach a dhíolmhú nach airde a láimhdeachas bliantúil ná coibhéis, san airgeadra náisiúnta, na méideanna ag an ráta comhshó ar lá a n-aontachais mar a shonraítear san fhoráil sin.

Faoi phointe 12 d'Airteagal 287 den Treoir maidir le CBL, féadfaidh an Ungáir daoine inchánach a dhíolmhú ó CBL nach airde a láimhdeachas bliantúil ná EUR 35 000 nó a choibhéis san airgeadra náisiúnta ag an ráta comhshó ar lá a haontachais (tugtar an 'díolúine phearsanta' air sin).

De bhua Chinneadh Cur Chun Feidhme 2018/1490/AE ón gComhairle<sup>3</sup>, údaraíodh don Ungáir tairseach níos airde a chur i bhfeidhm go dtí an 31 Nollaig 2021, lena ndearnadh daoine inchánach nach airde a láimhdeachas bliantúil ná EUR 48 000 nó a choibhéis san

---

<sup>1</sup> IO L 347, 11.12.2006, lch. 1.

<sup>2</sup> Cinneadh Cur Chun Feidhme (AE) 2022/73 ón gComhairle an 18 Eanáir 2022 lena leasaítear Cinneadh Cur Chun Feidhme (AE) 2018/1490 a mhéid a bhaineann leis an Ungáir a údarú chun beart speisialta a chur i bhfeidhm ar feadh tréimhse bhreise de mhaolú ar Airteagal 287 de Threoir 2006/112/CE maidir leis an gcomhchóras cánach breisluacha (IO L 12, 19.1.2022, lgh. 148-150).

<sup>3</sup> Cinneadh Cur Chun Feidhme (AE) 2018/1490 ón gComhairle an 2 Deireadh Fómhair 2018 lena n-údaraítear don Ungáir beart speisialta a thabhairt isteach de mhaolú ar Airteagal 287 de Threoir 2006/112/CE maidir leis an gcomhchóras cánach breisluacha (IO L 252, 8.10.2018, lgh. 38-39).

airgeadra náisiúnta ag an ráta comhshó ar lá a haontachais a dhíolmhú ó CBL. Údaraíodh don Ungáir ina dhiaidh sin síneadh a chur le dáta éaga an bhirt mhaolaithe go dtí an 31 Nollaig 2024, le Cinneadh Cur Chun Feidhme 2022/73 ón gComhairle an 18 Eanáir 2022<sup>4</sup>.

Bheadh an tairseach níos airde de EUR 71 500 atá á hiarraidh ag an Ungáir anseo comhsheasmhach le tairseach a úsáidtear i gcáin Ungárach ar cháin ioncain (cáin shonrach ar chuideachtaí beaga: ‘kata’), agus dá bhrí sin, dhéanfaí comhlíontacht gnólachtaí incháilithe a shimpliú. Thairis sin, deir an Ungáir gur cheart go leanfadh an tairseach díolúine an méadú ar ioncam i measc daoine inchánach a chruthaítear leis an bhfás eacnamaíoch agus go mbeadh údar cuí le luach na tairisí sin a mhéadú i bhfianaise na mbrúnna boilscitheacha.

An beart speisialta, lena simplítear oibleagáidí oibreoirí beaga, tá sé i gcomhréir leis na cuspóirí a leag an tAontas Eorpach amach maidir le gnólachtaí beaga, mar a leagtar amach sa Teachtaireacht ón gCoimisiún ‘Tús áite d’Fhiontair bheaga’ - ‘Gníomh um Ghnólachtaí Beaga’ don Eoraip.

Tá an beart speisialta roghnach i gcás daoine inchánach. Dá bhrí sin, i gcás gnólachtaí beaga nach airde a láimhdeachas ná an tairseach, bheadh an fhéidearthacht fós ann dóibh a gcearta a fheidmiú chun na gnáthshocruithe CBL a chur i bhfeidhm.

Tuairiscíonn an Ungáir go bhféadfadh an méadú ar an tairseach atá beartaithe leis an mbeart speisialta difear a dhéanamh do thart ar 35 000 duine inchánach. Thairis sin, deir an Ungáir, ar bhonn na taithí a fuarthas le blianta beaga anuas, gur féidir glacadh leis, fiú má mhéadaítear an tairseach, mar a iarradh, nach bhfuil coinne leis go dtiocfaidh méadú nach beag ar chion iarbhir na ndaoine inchánach a roghnaíonn í.

De réir na meastachán a chuir an Ungáir ar fáil, dá dtabharfaí an beart speisialta isteach, chaillfí ioncam buiséadach HUF 15 bhiliúin in aghaidh na bliana (i.e. thart ar 0,05 % d’ioncam fabhráithe CBL (ÚME) in 2021) agus, dá bhrí sin, ní dhéanfaidh sé difear mór don mhéid iomlán ioncain ó CBL a bhailítear ag céim an tomhaltais deiridh.

I bhfianaise an mhéid thuas, is iomchuí an Ungáir a údarú chun an beart speisialta a chur i bhfeidhm go dtí an 31 Nollaig 2024.

- **Comhsheasmhacht le forálacha beartais atá sa réimse beartais cheana**

Tá an beart maolaithe i gcomhréir le Treoir (AE) 2020/285<sup>5</sup> a d’eascair as plean gníomhaíochta CBL an Choimisiúin<sup>6</sup>, agus tá sé d’aidhm aige scéim nua-aimseartha shimplithe a chruthú le haghaidh na ngnólachtaí sin. Go háirithe, tá sé d’aidhm aige costais chomhlíontachta CBL agus saobhadh iomaíochta sa bhaile agus ar leibhéal an Aontais a

<sup>4</sup> Cinneadh Cur Chun Feidhme (AE) 2022/73 ón gComhairle an 18 Eanáir 2022 lena leasaítear Cinneadh Cur Chun Feidhme (AE) 2018/1490 a mhéid a bhaineann leis an Ungáir a údarú chun beart speisialta a chur i bhfeidhm ar feadh tréimhse bhreise de mhaolú ar Airteagal 287 de Threoir 2006/112/CE maidir leis an gcomhchóras cánach breisluacha (IO L 12, 19.1.2022, lgh. 148-150).

<sup>5</sup> Treoir (AE) 2020/285 ón gComhairle an 18 Feabhra 2020 lena leasaítear Treoir 2006/112/CE maidir leis an gcomhchóras cánach breisluacha a mhéid a bhaineann leis an scéim speisialta d’fhiontair bheaga agus Rialachán (AE) Uimh. 904/2010 a mhéid a bhaineann leis an gcomhar riaracháin agus leis an malartú faisnéise chun faireachán a dhéanamh ar chur i bhfeidhm ceart na scéime speisialta d’fhiontair bheaga (IO L 62, 2.3.2020, lch. 13).

<sup>6</sup> Teachtaireacht ón gCoimisiún chuig Parlaimint na hEorpa, chuig an gComhairle, chuig Coiste Eacnamaíoch agus Sóisialta na hEorpa maidir le plean gníomhaíochta CBL – Towards a single EU VAT area – Time to decide [I dtreo limistéar CBL aonair san Aontas Eorpach – An t-am le cinneadh a dhéanamh] COM(2016)148 final.

laghdú, tionchar díúltach na héifeachta tairisí a laghdú, agus comhlíontacht gnólachtaí a éascú chomh maith leis an bhfaireachán a dhéanann na húdaráis riaracháin chánach.

Thairis sin, tá an tairseach EUR 71 500 comhsheasmhach le Treoir (AE) 2020/285, a mhéid is féidir leis na Ballstáit an tairseach láimhdeachais bhliantúil is gá le haghaidh díolúine ó cháin bhreisluaicha a shocrú ar leibhéal nach airde ná EUR 85 000 (nó a choibhéis san airgeadra náisiúnta).

Maoluithe comhchosúla, lena ndíolmhaítear ó cháin bhreisluaicha daoine inchánach nach airde a láimhdeachas bliantúil ná tairseach áirithe, dá bhforáiltear in Airteagail 285 agus 287 den Treoir maidir le CBL, deonaíodh iad do Bhallstáit eile cuir i gcás an Ísiltír<sup>7</sup> agus an Bheilg<sup>8</sup>, ar deonaíodh tairseach EUR 25 000 dóibh. Deonaíodh tairseach EUR 35 000 do Lucsamburg<sup>9</sup> agus deonaíodh tairseach EUR 40 000 don Pholainn<sup>10</sup>, don Laitvia<sup>11</sup> agus don Eastóin<sup>12</sup>. Deonaíodh tairseach EUR 55 000 don Liotuáin<sup>13</sup>; tairseach EUR 45 000 don Chróit<sup>14</sup>;

---

<sup>7</sup> Cinneadh Cur Chun Feidhme (AE) 2018/1904 ón gComhairle an 4 Nollaig 2018 lena n-údaráítear don Ísiltír beart speisialta a thabhairt isteach de mhaolú ar Airteagal 285 de Threoir 2006/112/CE maidir leis an gcomhchóras cánach breisluaicha (IO L 310, 6.12.2018, lch. 25).

<sup>8</sup> Cinneadh Cur Chun Feidhme (AE) 2022/88 ón gComhairle an 18 Eanáir 2022 lena leasaítear Cinneadh Cur Chun Feidhme 2013/53/AE a mhéid a bhaineann le Ríocht na Beilge a údarú chun beart speisialta a thabhairt isteach de mhaolú ar Airteagal 285 de Threoir 2006/112/CE maidir leis an gcomhchóras cánach breisluaicha (IO L 14, 21.1.2022, lch. 23).

<sup>9</sup> Cinneadh Cur Chun Feidhme (AE) 2019/2210 ón gComhairle an 19 Nollaig 2019 lena leasaítear Cinneadh Cur Chun Feidhme 2013/677/AE lena n-údaráítear do Lucsamburg beart speisialta a thabhairt isteach de mhaolú ar Airteagal 285 de Threoir 2006/112/CE maidir leis an gcomhchóras cánach breisluaicha (IO L 332, 23.12.2019, lch. 155).

<sup>10</sup> Cinneadh Cur Chun Feidhme (AE) 2021/1780 ón gComhairle an 5 Deireadh Fómhair 2021 lena leasaítear Cinneadh Cur Chun feidhme Cinneadh 2009/790/CE lena n-údaráítear do Phoblacht na Polainne beart a chur i bhfeidhm de mhaolú ar Airteagal 287 de Threoir 2006/112/CE maidir leis an gcomhchóras cánach breisluaicha (IO L 360, 11.10.2021, lch. 122).

<sup>11</sup> Cinneadh Cur Chun Feidhme (AE) 2020/1261 ón gComhairle an 4 Meán Fómhair 2020 lena leasaítear Cinneadh Cur Chun Feidhme (AE) 2017/2408 lena n-údaráítear do Phoblacht na Laitvia beart speisialta a chur i bhfeidhm de mhaolú ar Airteagal 287 de Threoir 2006/112/CE maidir leis an gcomhchóras cánach breisluaicha (IO L 296, 10.9.2020, lch. 4).

<sup>12</sup> Cinneadh Cur Chun Feidhme (AE) 2021/358 ón gComhairle an 22 Feabhra 2021 lena leasaítear Cinneadh Cur Chun Feidhme (AE) 2017/563 lena n-údaráítear do Phoblacht na hEastóine beart speisialta a chur i bhfeidhm de mhaolú ar Airteagal 287 de Threoir 2006/112/CE maidir leis an gcomhchóras cánach breisluaicha (IO L 69, 26.2.2021, lch. 4).

<sup>13</sup> Cinneadh Cur Chun Feidhme (AE) 2021/86 ón gComhairle an 22 Eanáir 2021 lena n-údaráítear do Phoblacht na Liotuáine beart speisialta a chur i bhfeidhm de mhaolú ar Airteagal 287 de Threoir 2006/112/CE maidir leis an gcomhchóras cánach breisluaicha (IO L 30, 28.1.2021, lch. 2).

<sup>14</sup> Cinneadh Cur Chun Feidhme (AE) 2020/1661 ón gComhairle an 3 Samhain 2020 lena leasaítear Cinneadh Cur Chun Feidhme (AE) 2017/1768 lena n-údaráítear do Phoblacht na Cróite beart speisialta a thabhairt isteach de mhaolú ar Airteagal 287 de Threoir 2006/112/CE maidir leis an gcomhchóras cánach breisluaicha (IO L 374, 10.11.2020, lch. 4).

tairseach EUR 30 000 do Mhálta<sup>15</sup>; tairseach EUR 50 000 don tSlóivéin<sup>16</sup>; tairseach EUR 85 000 do Phoblacht na Seice<sup>17</sup>; agus tairseach EUR 88 500 don Rómáin<sup>18</sup>.

Ba cheart maoluithe ar an Treoir maidir CBL a bheith teoranta ó thaobh ama de i gcónaí ionas gur féidir measúnú a dhéanamh ar a n-éifeachtaí. Ina theannta sin, maidir le dáta éaga an bhirt speisialta a áireamh go dtí an 31 Nollaig 2024, mar a d'iarr an Ungáir, tá sé sin ailínithe leis an dáta a bunaíodh le Treoir (AE) 2020/285. Déantar foráil maidir leis an 1 Eanáir 2025 sa treoir sin mar an dáta a bheidh ar na Ballstáit na forálacha náisiúnta a chur i bhfeidhm, forálacha a cheanglaítear orthu a ghlacadh, chun í a chomhlíonadh.

Dá bhrí sin, an beart atá beartaithe, tá sé comhsheasmhach le forálacha na Treorach maidir le CBL.

- **Comhsheasmhacht le beartais eile de chuid an Aontais**

Bíonn an Coimisiún go comhsheasmhach ag cur i dtábhacht go bhfuil gá le rialacha níos simplí le haghaidh fiontair bheaga. I ndáil leis sin, ghlac an Coimisiún Straitéis FBM i mí an Mhárta 2020 d'Eoraip inbhuanaithe agus dhigiteach<sup>19</sup>, agus leis sin thug sé gealltanas leanúint dá chuid oibre maidir leis an ualach ar FBManna a laghdú. An cuspóir maidir leis an ualach riaracháin a laghdú le haghaidh FBManna, tá sé ar cheann de cholúin na straitéise sin. Tá an beart speisialta seo i gcomhréir leis na cuspóirí sin, a mhéid a bhaineann le rialacha fioscacha. Tá sé i gcomhréir freisin le Plean Gníomhaíochta 2020 maidir le cánachas cothrom simplí mar thaca leis an straitéis téarnaimh<sup>20</sup>, plean ina n-aithnítear go bhfuil costais chomhlíontachta cánach fós ard san Aontas, agus go mbíonn costais chomhlíontachta i bhfad níos airde de ghnáth le haghaidh cuideachtaí beaga ná mar a bhíonn siad le haghaidh cuideachtaí móra.

## 2. BUNÚS DLÍ, COIMHDEACHT AGUS COMHRÉIREACHT

- **Bunús dlí**

Airteagal 395 den Treoir maidir le CBL.

---

<sup>15</sup> Cinneadh Cur Chun Feidhme (AE) 2021/753 ón gComhairle an 6 Bealtaine 2021 lena n-údaraithear do Mhálta beart speisialta a chur i bhfeidhm de mhaolú ar Airteagal 287 de Threoir 2006/112/CE maidir leis an gcomhchóras cánach breisluacha, agus lena n-aisghairtear Cinneadh Cur Chun Feidhme (AE) 2018/279 (IO L 163, 10.5.2021, lch. 1).

<sup>16</sup> Cinneadh Cur Chun Feidhme (AE) 2022/464 ón gComhairle an 21 Márta 2022 lena leasaítear Cinneadh Cur Chun Feidhme 2013/54/AE a mhéid a bhaineann leis an tSlóivéin a údarú chun leanúint den bheart speisialta a chur i bhfeidhm de mhaolú ar Airteagal 287 de Threoir 2006/112/CE maidir leis an gcomhchóras cánach breisluacha (IO L 94, 23.3.2022, lch. 4).

<sup>17</sup> Cinneadh Cur Chun Feidhme (AE) 2022/865 ón gComhairle an 24 Bealtaine 2022 lena n-údaraithear do Phoblacht na Seice beart speisialta a thabhairt isteach de mhaolú ar Airteagal 287 de Threoir 2006/112/CE maidir leis an gcomhchóras cánach breisluacha (IO L 151, 2.6.2022, lch. 66).

<sup>18</sup> Cinneadh Cur Chun Feidhme (AE) 2020/1260 ón gComhairle an 4 Meán Fómhair 2020 lena leasaítear Cinneadh Cur Chun Feidhme (AE) 2017/1855 lena n-údaraithear don Rómáin beart speisialta a chur i bhfeidhm de mhaolú ar Airteagal 287 de Threoir 2006/112/CE maidir leis an gcomhchóras cánach breisluacha (IO L 296, 10.9.2020, lch. 1).

<sup>19</sup> Teachtaireacht ón gCoimisiún chuig Parlaimint na hEorpa, chuig an gComhairle, chuig Coiste Eacnamaíoch agus Sóisialta na hEorpa agus chuig Coiste na Réigiún – An SME Strategy for a sustainable and digital Europe [Straitéis FBM d'Eoraip inbhuanaithe agus dhigiteach] (COM (2020) 103 final).

<sup>20</sup> Teachtaireacht ón gCoimisiún chuig Parlaimint na hEorpa agus chuig an gComhairle – An Action Plan for fair and simple taxation supporting the Recovery Strategy [Plean Gníomhaíochtaí maidir le cánachas cothrom agus simplí mar thaca leis an Straitéis Téarnaimh] (COM(2020) 312 final).

- **Coimhdeacht (i gcás inniúlacht neamheisiach)**

I bhfianaise na forála den Treoir maidir le CBL ar a bhfuil sé bunaithe, tagann an togra faoi inniúlacht eisiach an Aontais Eorpaigh. Dá bhrí sin, níl feidhm ag prionsabal na coimhdeachta.

- **Comhréireacht**

Baineann an Cinneadh le húdarú arna dheonú do Bhallstát ar iarraidh uaidh féin agus níl aon oibleagáid ann.

I bhfianaise raon feidhme teoranta an mhaolaithe, tá an beart speisialta comhréireach leis an aidhm atá á saothrú, i.e. an bailiú cánach a shimpliú le haghaidh daoine inchánach beaga agus le haghaidh an riaracháin cánach.

- **An rogha ionstraim**

Cinneadh Cur Chun Feidhme ón gComhairle, sin í an ionstraim atá beartaithe.

Faoi Airteagal 395 den Treoir maidir le CBL, ní féidir maolú ar rialacha coiteanna CBL ach amháin i gcás ina n-údaróidh an Chomhairle é sin agus í ag gníomhú d'aon toil ar thogra ón gCoimisiún. Cinneadh Cur Chun Feidhme ón gComhairle, sin í an ionstraim is oiriúnaí ó tharla gur féidir í a dhíriú chuig Ballstát aonair.

### **3. TORTHAÍ Ó MHEASTÓIREACHTAÍ EX POST, Ó CHOMHAIRLIÚCHÁIN LEIS NA PÁIRTITHE LEASMHARA AGUS Ó MHEASÚNUITHE TIONCHAIR**

- **Comhairliúcháin leis na páirtithe leasmhara**

Ní dhearnadh aon chomhairliúchán leis na páirtithe leasmhara. Tá an togra seo bunaithe ar iarraidh a rinne an Ungáir agus is leis an mBallstát áirithe sin amháin a bhaineann sé.

- **Measúnú tionchair**

Is éard is aidhm don Chinneadh Cur Chun Feidhme ón gComhairle an tairseach díolúine atá ann faoi láthair a mhéadú go EUR 71 500. Is beart simpliúcháin an méadú sin ar an tairseach, a bhaineann go leor de na hoibleagáidí CBL ó ghnólachtaí atá ag feidhmiú le láimhdeachas bliantúil nach airde ná an tairseach sin. Dá bhrí sin beidh tionchar dearfach aige ar laghdú an ualaigh riaracháin le haghaidh gnólachtaí agus an riaracháin chánach araon gan tionchar mór a bheith aige ar an ioncam CBL iomlán. De bharr raon feidhme cúng an mhaolaithe agus de bharr na teorann ama ar a chur i bhfeidhm, beidh tionchar an bhirt teoranta in aon chás.

Faoi láthair, bunaithe ar na sonraí atá ar fáil ó 2021, thiocfadh laghdú thart ar 0,05 % ar ioncam CBL as méadú ar an tairseach atá beartaithe.

Beidh an beart maolaithe roghnach do dhaoine inchánach. Beidh daoine inchánach in ann na gnáthshocruithe CBL a roghnú i gcomhréir le hAirteagal 290 de Threoir 2006/112/CE.

- **Ceartha bunúsacha**

Níl aon iarmhairtí ag gabháil leis an togra maidir le cosaint na gceart bunúsach.

### **4. IMPLEACHTAÍ BUISÉADACHA**

Ar theacht i bhfeidhm do Rialachán (AE, Euratom) 2021/769 ón gComhairle an 30 Aibreán 2021 lena leasaítear Rialachán (CEE, Euratom) Uimh. 1553/89 maidir leis na

comhshocraíochtaí aonfhoirmeacha cinntitheacha chun acmhainní dílse a fhabhraíonn ó cháin bhreisluacha a bhailiú<sup>21</sup>, ní dhéanfaidh an Ungáir aon ríomh ar chúiteamh maidir leis an ráiteas faoi acmhainní dílse CBL le haghaidh na bliana airgeadais 2021 agus ina diaidh sin.

---

<sup>21</sup> Rialachán (AE, Euratom) 2021/769 ón gComhairle an 30 Aibreán 2021 lena leasaítear Rialachán (CEE, Euratom) Uimh. 1553/89 maidir leis na comhshocraíochtaí aonfhoirmeacha cinntitheacha chun acmhainní dílse a fhabhraíonn ó cháin bhreisluacha a bhailiú (IO L 165, 11.5.2021, lch. 9).

Togra le haghaidh

## CINNEADH CUR CHUN FEIDHME ÓN gCOMHAIRLE

**lena n-údaraitear don Ungáir beart speisialta a chur i bhfeidhm de mhaolú ar Airteagal 287 de Threoir 2006/112/CE maidir leis an gcomhchóras cánach breisluacha, agus lena n-aisghairtear Cinneadh Cur Chun Feidhme (AE) 2018/1490 ón gComhairle**

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,

Ag féachaint do Threoir 2006/112/CE ón gComhairle an 28 Samhain 2006 maidir leis an gcomhchóras cánach breisluacha<sup>1</sup>, agus go háirithe Airteagal 395(1), an chéad fhomhír, di,

Ag féachaint don togra ón gCoimisiún Eorpach,

De bharr an mhéid seo a leanas:

- (1) De bhun Airteagal 287, pointe (12), de Threoir 2006/112/CE, féadfaidh an Ungáir daoine inchánach a dhíolmhú ó cháin bhreisluacha (CBL) nach airde a láimhdeachas bliantúil ná EUR 35 000 nó a choibhéis san airgeadra náisiúnta ag an ráta comhshó ar lá a haontachais.
- (2) Le Cinneadh Cur Chun Feidhme 2022/73 ón gComhairle<sup>2</sup>, údaraíodh don Ungáir beart speisialta a chur i bhfeidhm de mhaolú ar Airteagal 287 de Threoir 2006/112/CE chun daoine inchánach nach airde a láimhdeachas bliantúil ná EUR 48 000 nó a choibhéis san airgeadra náisiúnta ag an ráta comhshó ar lá a haontachais leis an Aontas a dhíolmhú ó CBL go dtí an 31 Nollaig 2024.
- (3) Le litir a cláraíodh leis an gCoimisiún an 15 Nollaig 2022, d'iarr an Ungáir údarú chun tairseach an bhirt speisialta thuasluaite atá ann cheana a mhéadú go EUR 71 500 go dtí an 31 Nollaig 2024 ('an beart speisialta').
- (4) Le litir dar dáta an 11 Eanáir 2023, tharchuir an Coimisiún an iarraidh a rinne an Ungáir chuig na Ballstáit eile i gcomhréir le hAirteagal 395(2), an dara fhomhír, de Threoir 2006/112/CE. Le litir dar dáta an 12 Eanáir 2023, thug an Coimisiún fógra don Ungáir go raibh an fhaisnéis uile aige a mheas sé a bheith riachtanach chun breithmheas a dhéanamh ar an iarraidh.
- (5) Tá an beart speisialta a d'iarr an Ungáir i gcomhréir leis na leasuithe ar Threoir 2006/112/CE arna ndéanamh le Treoir (AE) 2020/285 ón gComhairle<sup>3</sup>, lena bhféachtar

<sup>1</sup> IO L 347, 11.12.2006, lch. 1.

<sup>2</sup> Cinneadh Cur Chun Feidhme (AE) 2022/73 ón gComhairle an 18 Eanáir 2022 lena leasaítear Cinneadh Cur Chun Feidhme (AE) 2018/1490 a mhéid a bhaineann leis an Ungáir a údarú chun beart speisialta a chur i bhfeidhm ar feadh tréimhse bhreise de mhaolú ar Airteagal 287 de Threoir 2006/112/CE maidir leis an gcomhchóras cánach breisluacha (IO L 12, 19.1.2022, lch. 148).

<sup>3</sup> Treoir (AE) 2020/285 ón gComhairle an 18 Feabhra 2020 lena leasaítear Treoir 2006/112/CE maidir leis an gcomhchóras cánach breisluacha a mhéid a bhaineann leis an scéim speisialta d'fhiontair bheaga agus Rialachán (AE) Uimh. 904/2010 a mhéid a bhaineann leis an gcomhar riaracháin agus leis an

le costais chomhlíontachta CBL ar fhiontair bheaga a laghdú agus saobhadh iomaíochta sa mhargadh inmheánach a mhaolú.

- (6) Leanfaidh an beart speisialta de bheith roghnach do dhaoine inchánach toisc go bhféadfaidh siad na gnáthshocruithe CBL a roghnú i gcomhréir le hAirteagal 290 de Threoir 2006/112/CE.
- (7) De réir na faisnéise a chuir an Ungáir ar fáil, ní bheidh ach éifeacht dhiomaibhseach ag an mbeart speisialta ar an méid iomlán ioncaim cánach a bhailíonn an Ungáir ag céim an tomhaltais deiridh.
- (8) Tar éis theacht i bhfeidhm Rialachán (AE, Euratom) 2021/769 ón gComhairle<sup>4</sup>, ní dhéanfaidh an Ungáir aon ríomh ar chúiteamh maidir leis an ráiteas faoi acmhainní dílse CBL-bhunaithe le haghaidh na bliana airgeadais 2021 agus ina diaidh sin.
- (9) I bhfianaise thionchar dearfach an bhirt speisialta i dtaca leis an ualach comhlíontachta CBL a bhíonn ar fhiontair bheaga agus ar na riaracháin chánach a laghdú, agus i bhfianaise an tionchair dhiomaibhsigh ar an CBL iomlán a ghintear, ba cheart údarú a thabhairt don Ungáir leanúint den beart speisialta a chur i bhfeidhm.
- (10) Ba cheart teorainn ama a bheith leis an údarú chun an beart speisialta a chur i bhfeidhm. Ba cheart an teorainn ama a bheith leordhóthanach chun gur féidir leis an gCoimisiún meastóireacht a dhéanamh ar éifeachtacht agus oiriúnacht na tairsí. Thairis sin, de bhun Airteagal 3(1) de Threoir (AE) 2020/285, tá na Ballstáit, faoin 31 Nollaig 2024, leis na dlíthe, na rialacháin agus na forálacha riaracháin is gá a ghlacadh agus a fhoilsiú chun Airteagal 1(12) den Treoir sin a chomhlíonadh, agus tá siad leis na forálacha sin a chur i bhfeidhm ón 1 Eanáir 2025. Is iomchuí, dá bhrí sin, an Ungáir a údarú chun an beart speisialta a chur i bhfeidhm go dtí an 31 Nollaig 2024.
- (11) Dá bhrí sin, ba cheart Cinneadh Cur Chun Feidhme (AE) 2018/1490 a aisghairm.

TAR ÉIS AN CINNEADH SEO A GHLACADH:

#### *Airteagal 1*

De mhaolú ar Airteagal 287, pointe (12), de Threoir 2006/112/CE, údaraítear don Ungáir daoine inchánach nach airde a láimhdeachas bliantúil ná EUR 71 500 ag an ráta comhshó ar lá a haontachais a dhiolmhú ó CBL.

#### *Airteagal 2*

Aisghairtear Cinneadh Cur Chun Feidhme (AE) 2018/1490.

#### *Airteagal 3*

Gabhfaidh éifeacht leis an gCinneadh seo an dáta a thabharfar fógra faoi.

Beidh feidhm aige go dtí an 31 Nollaig 2024.

---

malartú faisnéise chun faireachán a dhéanamh ar chur i bhfeidhm ceart na scéime speisialta d'fhiontair bheaga (IO L 62, 2.3.2020, lch. 13).

<sup>4</sup> Rialachán (AE, Euratom) 2021/769 ón gComhairle an 30 Aibreán 2021 lena leasaítear Rialachán (CEE, Euratom) Uimh. 1553/89 maidir leis na comhshocraíochtaí aonfhoirmeacha cinntitheacha chun acmhainní dílse a fhabhraíonn ó cháin bhreisluacha a bhailiú (IO L 165, 11.5.2021, lch. 9).

*Airteagal 4*

Is chuig an Ungáir a dhírítear an Cinneadh seo.

Arna dhéanamh sa Bhruiséil,

*Thar ceann na Comhairle*

*An tUachtarán*